

OPIS POSLOVA ZA KONSULTANTA

za izradu organizacijske strategije sa posebnim fokusom na programe organizacije. Strategija se izrađuje u okviru projekta Vijeća Evrope za provedbu ELoGE programa u Bosni i Hercegovini, Ugovor br.: GA.DGII.4789.2023; PO 770509

Cilj poziva: Cilj poziva je odabrati konsultanta/e, fizička ili pravna lica, koji će voditi proces izrade organizacijske strategije Agencije lokalne demokratije iz Mostara, sa posebnim fokusom na strategiju razvoja ELoGE programa u Bosni i Hercegovini.

Specifični ciljevi zadatka za konsultanta:

- Izrada organizacijske strategije Agencije lokalne demokratije iz Mostara, sa definiranim prioritetima i aktivnostima za realizaciju.
- Izrada posebnog strateškog dokumenta za razvoj ELoGE programa u Bosni i Hercegovini, sa definiranim prioritetima i aktivnostima za realizaciju.

O organizaciji

Agencija lokalne demokratije Mostar, od svog osnivanja u novembru 2004. godine, djeluje kao lokalno registrovana neprofitna nevladina organizacija uz podršku svojih partnera, te u saradnji s drugim Agencijama i Europskom asocijacijom za lokalnu demokratiju (ALDA). Upravo ova saradnja, kako na lokalnom tako i na regionalnom nivou, omogućila je brojne aktivnosti i projekte korisne za razvoj lokalne zajednice i njeno uključivanje u procese na regionalnom nivou. Aktivnosti LDA Mostar, s ciljem stvaranja aktivnijeg građanstva s jedne strane, i transparentne i odgovorne lokalne vlasti s druge strane, fokusirane su na razvoj modernog demokratskog društva. Ove aktivnosti prožimaju svaki segment života lokalne zajednice i pružaju mogućnost poboljšanja životnog standarda svih kategorija društva, direktnim utjecajem na konkretne promjene.

Naša mreža: Program Agencija lokalne demokratije na Zapadnom Balkanu osnovan je 1992. godine od strane Kongresa Vijeća Evrope, kao program potpore jačanju lokalne demokratije, poštivanja ljudskih prava i daljnjeg održivog razvoja. Danas postoji 15 aktivnih Agencija za lokalnu demokratiju sa sjedištem na Zapadnom Balkanu, Istočnoj Evropi i Sjevernoj Africi koje koordinira ALDA, te tri LDA – operativni partneri sa sjedištem u Hrvatskoj. Agencije funkcioniraju kao samoodržive, lokalno registrovane nevladine organizacije, ali se zbog međunarodnog okvira unutar kojeg su operativne, razlikuju od drugih nevladinih organizacija. LDA razvijaju partnerstva s lokalnim vlastima i nevladinim organizacijama iz cijelog svijeta. Zapravo, Agencije lokalne demokratije izgrađuju partnerstva s lokalnim vlastima i nevladinim organizacijama iz cijele Evrope, time dajući čitavoj mreži direktan pristup međunarodnoj strukturi kroz potporu ALDA-e, Vijeća Evrope i Evropske unije.

Vizija: LDA Mostar će biti resursni centar za institucije kantonalnih/županijskih vlasti, gradsku administraciju i civilno društvo s ciljem usklađivanja i harmoniziranja standarda s demokratskim standardima Evropske unije.

Misija: Podržati proces demokratizacije u Gradu Mostaru jačanjem dobre uprave i izgradnjom kapaciteta lokalnih vlasti i civilnog društva, te sudjelovanja građana u javnom životu.

O ELoGE programu: [Evropska oznaka izvrsnosti upravljanja \(ELoGE\)](#) dodjeljuje se općinama koje su postigle visok nivo dobrog upravljanja u odnosu na standardizirano mjerilo Vijeća Evrope. ELoGE standard se temelji na 12 principa dobrog demokratskog upravljanja, a realizira se putem samoprocjene loklanih samouprava pod nadzorom akreditirane ELoGE platforme.

Agencija lokalne demokratije Mostar je akreditovana za implementaciju [ELoGE programa u Bosni i Hercegovini](#). Akreditacija je dodjeljena od strane Vijeća Evrope, 31. maja 2022. godine. ELoGE program je do sada realiziran u 12 općina Bosne i Hercegovine u sklopu projekta [“Jačanje lokalnog učešća i saradnje kroz partnerstvo javnih vlasti i organizacija civilnog društva u Bosni i Hercegovini – LINK za saradnju/suradnju \(LINK4Cooperation\)”](#) kojeg finansira Evropska unija.

Zadaci i obaveze konsultanta i vremenski okvir:

VRIJEME / PERIOD:	BOJ RADNIH DANA KONSULTANTA:	SADRŽAJ:	IZVRŠITELJ:
31.08.2023.		Potpisivanje ugovora sa Agencijom lokalne demokratije iz Mostara	Agencija lokalne demokratije iz Mostara i konsultant
31.08 - 04.09.2023.	1	Pripremni sastanak	Konsultant
04-10.09.2023.	1	Plan rada	Konsultant
02-30.09.2023.	2	Prikupljanje relevantnih informacija i dokumenta u cilju pripreme plana izrade strategije	Agencija lokalne demokratije iz Mostara i konsultant
02.09-25.10.2023.	3	Konsultacije online sastanci i e-mail komunikacija	Osoblje Agencije lokalne demokratije iz Mostara, osoblje partnerskih organizacija akreditirane ELoGE platforme i konsultant
09.-10. 10.2023.	2	Radionica za izradu organizacijske Strategije	Osoblje Agencije lokalne demokratije iz Mostara i konsultant
12.-13.10.2023.	2	Radionica za izradu posebnog strateškog dokumenta za razvoj ELoGE programa u Bosni i Hercegovini	Osoblje Agencije lokalne demokratije iz Mostara, osoblje partnerskih organizacija akreditirane ELoGE platforme i konsultant
14.-25.10.2023.	3	Priprema prijedloga organizacijske Strategije	Konsultant
14.-25.10.2023.	3	Priprema prijedloga posebnog strateškog dokumenta za razvoj ELoGE programa u Bosni i Hercegovini	Konsultant
26.-30.10.2023.	1	Izrada finalne organizacijske Strategije na engleskom jeziku	Konsultant
26.-30.10.2023.	1	Izrada finalnog posebnog strateškog dokumenta za razvoj ELoGE programa u Bosni i Hercegovini na engleskom jeziku	Konsultant
31.10.2023.	1	Priprema konsultantskog izvještaja	Konsultant

Ukupan broj radnih dana konsultanta:

KONSULTACIJE:	PRIPREMA:	IZRADA:	UKUPNO RADNIH DANA:
6	5	9	20

Broj radnih dana konsultanta po pojedinačnim aktivnostima može biti prilagođen u skladu sa potrebama i dinamikom, dok ukupan broj radnih dana ne smije biti veći od 20.

Vlasništvo

Svi materijali, dokumenti i informacije pripremljeni, razvijeni ili prilagođeni od strane konsultanta ostaju vlasništvo Agencije lokalne demokratije iz Mostara. Konsultant/i se slaže/u da nijedan dio materijala, dokumenata i informacija se ne može reprodukovati ili distribuirati u bilo kojem obliku ili bilo kojim sredstvima ili pohraniti u bazu podataka ili sistem za pronalaženje, za bilo koje druge svrhe i ciljeve od onih koji se odnose na ovaj zadatak, bez prethodnog odobrenja Agencije lokalne demokratije iz Mostara.

Izveštavanje

Izveštaj konsultanta potrebno je podnijeti nakon podnošenja finalnog dokumenta u skladu sa planom predviđenim ovim opisom posla.

Uslovi i plaćanje

Konsultant/i fizička ili pravna lica, će biti angažovan/i na osnovu ugovora o djelu odnosno ugovora o sardnji, potpisanog od strane Agencije lokalne demokratije iz Mostara i biće plaćen po podnošenju i odobrenju finalnog izvještaja, uključujući i vremenski raspored (timesheets).

Isplata će biti zasnovana na izvještaju i stvarnom broju radnih dana (prema dostavljenom vremenskom rasporedu), ali ne prelazi odobreni ukupni broj dana predviđen ovim opisom posla.